



Inatsisartunut ilaasortaq Jens Immanuelson, Siumut
/Maani

Pineqartoq: § 36, imm. 1 naapertorlugu apeqqummut nr. 2010-76-imut akissuteqaat

29. april 2010
Sagsnr. 2010-030189
Dok. Nr. 367490

Asasara Jens Immanuelson.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Apeqqutitut saqqummiussannut qutsavigaakkut, oqaaseqarninni paatsuuinerit pillugu nassuiaateqarnissamut periarfissimanna.

Aperivutit, "UPA2010 – imm. 102-p oqallisigineqarnerani oqaatigaat aningaasat illikartinneqarsimasut annertussusaat kr. 1.9 millioninik annertussuseqartoq, Aningaasanut Inatsimmi aningaasat atugassatut illikartinneqarsimasut angissuseqarput kr. 1.032 mio. Sumi kr. 1.9 mio. aningaasat annertussusaat takuneqarsinnaava?"

Tassunga tunngatillugu ilisimatitsissutigisinnaavara, immikkoortoq 102-p suliarineqarnerani oqarama, Kalaallit Nunaanni annaassiniarnissamut upalungaarsimaneq aamma ikualloornissamik qaartoornissamillu pitsaaliuineri iliuusissat pillugit Inatsisartut inatsisaata isumagineqarneranut atatillugu 1,9 mio. koruuninik immikkoortitsisoqarsimasoq ilumoorpoq. Aningaasat pineqartut kontomi pingaarnermi 20.05.31 Kommunini aningaasartuuteqarnerunissamut sillimmatini immikkoortinneqarput. Kontomut pingaarnermut nassuiaatit ilaatigut imaattunik oqaasertaqartinneqarput: *"Ikuallattoornissamut sillimaniarneq annaassiniarnerlu pillugit nutaamik inatsisiliortoqarsinnaammat, aningaasartuutissanut aningaasanik immikkoortitsisoqarpoq."*

Immikkoortup 102-p suliarineqarneranut atatillugu Aningaasaqarnermut Naalakkersuisoqarfik attaveqarfigaara, tassanngaanniillu nalunaarutigineqarpoq, inatsisissatut siunnersuut UPA2010-mi akuerineqassagaluarpat, kontomi pingaarnermi 20.05.31-imi 2010-mi siunnersuummut saqqummiunneqartumut aningaasartuutitut atugassatut 1,9 mio. koruunit piareersimassasut.

Taamatuttaaq kontomi pingaarnermi 20.05.31-imi inatsisissatut siunnersuutip atuutsinneqalemissaanut aningaasanik siumoortumik immikkoortitsisoqarpoq. Kontomi pingaarnermi 20.05.31-imi 2011-miit kommunini aningaasartuutaanerusussanut aningaasat missingersuusiarineqartartussat 3,8 mio. koruuninik amerlassusilerneqarsinnaassasut naatsorsuutigineqarpoq. Tamannali missingersuutitut ilanngussami oqaasertaliussanut toqqaannartumik allanneqanngilaq. Inatsisissatut siunnersuutip saqqummiunneqarnerata kingunerisaanik aningaasat inaarutaasumik qanoq amerlatigisut nuunneqassanersut pillugu apeqqut, kommuninut ataatsimoortumik tapiissutit isumaqatiginnitutigineqarnerini inissinneqartussaavoq.

Aamma aperivutit. "Siumup Siulittaasuata aperimmatit konto innersuussat 20.13.05 Aningaasanut inatsimmi paasiniaarsigut qanoq imaqarnersoq, paasivarput konto taanna Aningaasanut Inatsimmi ilaanngitsoq. Sooq Inatsisartunut Ilaasortanut taamatut paasissutissiivit?"

Siumup siulittaasuata aperimmanga allagartaq takutippara, tassanilu konto pingaarneq 20.05.31 pineqartoq allassimavoq. Oqalunninni konto pingaarneq kukkusoq taasimagukku, imaluunniit Siumup Siulittaasua tutsarliorsimappat tamanna ajuusaarutigaa, kisiannili pineqartoq nammineerluni uppernarsaat issuarlugu allappoq.

Naggataatigut oqaatigilaassavara, konto pingaarneq nassuiaatini nalinginnaasuni quppernermi 4-mi taaneqartoq Upalungaarsimanermut Ataatsimiititaliap aningaasartuutaannut tunngasuummat. Aningaasartuutit taakku konto pingaarneq 70.10.08 aqutigalugu akilerneqartarput. Upalungaarsimanermut Ataatsimiititaliap 2001-imili pilersinneqarsimammat, Upalungaarsimanermut Ataatsimiititaliap aningaasartuutai konto pingaarneq taanna aqutigalugu akilerneqartareerput.

Inatsisissatut siunnersuutip atuutsinneqalerneranut aningaasartuutissat allat konto pingaarneq 70.10.08 aqutigalugu akilerneqassanngillat. Taamaattumik konto pingaarneq 70.10.08 aqutigalugu inatsisissatut siunnersuutip akuerineqarneranut atatillugu aningaasartuutissat akilerneqarnissaat Siumup tungaaniit paatsoorneruvoq.

Taamatut oqaaseqarlunga neriuppunga, pineqartoq pillugu ersarissumik paasititsisimassallunga, aammalu oqallinnerup pilersitsiviulluartumik ingerlateqqinneqarnissaanut qilanaarpunga.

Inussiarnersumik inuulluaqqusilluta

Jens B. Frederiksen